

**Kinwaati ki nkosi ki Pɔɔ tɛ tsɛɛ li
kintaashɛ ki
Tɛsalonika-a
Fiee fi nuun lɛ Kinwaati ki
Tɛsalonika-a ki nkosi kini**

Tɛsalonya tɛ nuun kitoŋ kimu lɛ kimbe ki Masadonya lɛ Pɔɔ tɛ bechi kintaashɛ ki beniin be kimbeenche-ɛ. Fi tɛ mɛɛŋ ki ŋɔɔnɛ kɛ si kintaashɛ kini tɛ bechi kɛ, Bejuu tuu be bechi be baanini Pɔɔ be fuumi kimi be wu. Pɔɔ tuu tsɛɛ kinwaati ki nkosi kini li beniin be Krai be Tɛsalonya le kaŋgi shɛŋ yibe, fɛ be ni be lemi be tɛɛmi.

Bikoo bi biee bi lɛ Kinwaati kini-i

1:1 Mbɛɛche

1:2-3:13 Pɔɔ woo bujɔŋ tuu pia beniin be kimbeenche-ɛ

4:1-12 Ntiife kii ntɛ wu beniin be nuun be Krai

4:13-5:11 Ntiife kii si Krai gii naa kaari be

5:12-22 Ntiife wu kimerise

5:23-28 Kimerise

¹ ɛ mi Pɔɔ, miɔ tɛɛ Silas mɔɔ Timoti. Ntɛkɔɔ kinwaati kini li kintaashɛ ki beniin be kimbeenche-ɛ ki li kitoŋ ki Tɛsalonika-a ki taashɛ ki nuun be Nyɔ Baa wuseŋ mɔɔ Taa Jiso Krai.

Nyɔ doonche beŋ shɛŋ yi dzeen, yi tuu nyɛ beŋ mbeɛŋgii.

*Pɔɔ nyɛ kiyɔɔni li Nyɔ-ɔ li kintaashɛ
ki beniin be kimbeenche-ɛ ki Tɛsalonika*

² Tε shiinj tε nyεε kiyɔɔni li Nyɔ-ɔ mfi kwi kii ben bεchu, tε teenyi ben bεchu mfi kwi li nlekε li Nyɔ-ɔ wusej.

³ Mfi wu tε nuuj limfwe li Nyɔ Baa wusej, tε kiimi kingε kinε ki buti li shɛj yi nε gεε li Krai li bε nime chinε chi buti li kinjɔngisε kinε-ε mɔɔ shɛj yi nε kendi yi buti li mbichε wu nε bichi limfwe li Taa wu tεbenj wu Jiso Krai.

⁴ Benjwaanɛj bεsɛj bε Nyɔ kɔngisi, tε kii baa le Nyɔ tsaa yε benj.

⁵ Tε kii baa lε kifε ntonj wu dzeenj wu tε tɛ bε bε wu lε be-enj tɛ nuuj yε bε n'yɔru kwaa kε. Wu tɛ bε tε bε bunja bu dzeti li tsanj yi Fiana yi Waanj li, tε se gbɛngi baa tε kii le ntonj wulu nuuj chεɛj. Nε kii baa njwaani beniinj bε tε tɛ nuuj mfi wu tε tɛ tsiinj lε be-enj lenti kii benj.

⁶ Nε tɛ biki dzε yisɛj mɔɔ yi Taa kifε nε tɛ fii ntonj wulu bε kinεtine ki dzeti li tsanj yi Fiana yi Waanj li mɔɔ nuuj si nε tɛ nuuj li njε wu nyɔja-a lε.

⁷ Bεdɛɛni nε se to beniinj bε kimbeenche-ε bε beniinj bεchu bε lε kimbe ki Masadonya mɔɔ ki Akeya nuuj be ni be biki dzε yibe.

⁸ Ntiiti fini kifε ε jε yi Taa kwaa yi bo li be-enj yi dɛndε kimbe ki Masadonya bε ki Akeya kε. Ntonj wu kii shɛj yinε yi nε gεε li Nyɔ-ɔ dɛndɔ tε li bintsii bichu-u. Fi se fieε le, tε kɛmi yε le tε tuu tε ni tε tiiti fieε fi fimu kε.

⁹ Nε ni nε kii le beniinj belu kibεε tiiti baa kii si nε tɛ fii bee lε be-enj lenti, mɔɔ si nε tɛ chinε munyɔkinε nε to bε Nyɔ le nε ni nε nindi li Nyɔ yi chεɛj yi kɛmi ntse-ε.

¹⁰ Be tiiti tε si nε tɛngi Njwani wu gii naa dza liboo bε. Njwani wuni nuuj ε wu wu tε buu li kwe-e, ε Jiso

wu busi tæbenj li tsan yi shen yi Nyɔ yi fuuti yi gii naa doonche li beniinj li.

2

Pɔɔ tee kii nime chee chi Tesalonika

¹ Benwaanɛn bɛsɛn, ben kibɛɛ nɛ kii baa le ŋka wu tɛ tɛ la lɛ be-en ti mɛɛn ki la kɛ li yee li kɛ.

² Mɔɔ nuun si nɛ kii si beniinj tɛ nyɛ ŋgɛ li bee li be ŋwɛɛ bɛ bee li kiton ki Filipi-i, tɛ tɛ kan nɛɛ shɛn li bunga bu Nyɔ yisɛn le tɛ tifi nton wu dzeen wu kii Nyɔ li be-en mɔɔ nuun si beniinj gii be bangi bee ŋgɛ lɛ.

³ Nton wu tɛ tɛ fenjisi tɛ lɛki ben lu tɛ nuun yɛ wu bifi kɛ tɛ tɛ fenjisi yɛ bɛ mbeeche wu bifi kɛ, kɛ le tɛ tɛ wɛki le tɛ yɛɛn bɛ ben kɛ.

⁴ Se nuun le, si Nyɔ tɛ ŋɛn le tɛ kɔche baa beniinj bɛ yi nuun yi nyɛ nton wu dzeen wuni li tsan yi bee lɛ, tɛ se fenjisi baa, tɛ fenjisi yɛ nuun le tɛ yooki beniinj kɛ. Tɛ fenjisi baa nuun le tɛ yooki Nyɔ yi tɛɛti shɛn yisɛn.

⁵ Si nɛ kii, fi nuun le tɛ ti mɛɛn saa kɛ le tɛ bɛ bɛ jɛ yi n'yɛn, kɛ le tɛ tɛɛki fiee fɛ lii le tɛ se ji fiee li tsan yinɛ-ɛ kɛ. Fini nuun fiee fi Nyɔ lemi bee lɛjin fi-i bee.

⁶ Tɛ tɛ geendi yɛ le tɛ kɛmɛ mpiaru li wi-i, kɛ wu buti li be-en, kɛ li beniinj bamu kɛ. Mɔɔ nuun si tɛ nuun kintsii kisɛn si bɔɔn bɛ nto-on bɛ Krai lɛ le tɛ ni tɛ biiti biee le nɛ ni nɛ feti li bee li.

⁷ Tɛ tɛ nuun fisɛn nyɛɛkii lɛ ben lɛnti si ni bɔɔn ti bichi lɛ bɔɔn bee li.

⁸ Le fi nuun lɛ, tɛ se dzɔ ben libwin bujɔn bɛ kinƙɔŋgisɛ, tɛ tɛ mɛɛn ki nyɛ kɛ ben nuun nton wu

dzeen wu Nyɔ kwaa ke, te tɛ nyɛ te yi yisen li be-en le kife ne te to nuun shɛn yisen nge.

⁹ Bɛɲwaanɛɲ bɛsɛɲ, mɔɔ nɛ kiimi baa te nime chisɛɲ bɛ kiyubɛ kisɛɲ. Tɛ tɛ nindi butuu mɔɔ fɛnsaan le kiin te ni gɛɛ bɛntɛ li wi wumu li be-en, te tɛ fenjisi nton wu dzeen wu wu Nyɔ li be-en.

¹⁰ Bɛɲ kibɛɛ mɔɔ nuun Nyɔ nuun nɛ len lejin le nsa wusɛ-ɛɲ le ntse wusɛɲ le bɛɲ bɛniin bɛ kimbeenche-ɛ tɛ nuun wu wuuti wu nuun te tsaɲ wu tɛle kemi yɛ findzɔɲ fimu ke.

¹¹ Nɛ kii baa te tɛ tɛ feti bɛ bɛɲ si te bɔɔɲ ti shiin feti bɛ bɔɔɲ bee le.

¹² Tɛ tɛ kangisi shɛn yinɛ, te yokisi bɛɲ, te teendi le nɛ ni nɛ tsiin ntse wu Nyɔ wɛki. Ɛ Nyɔ yi teenyi bɛɲ le nɛ le li bumfɔɲ bu yi-i bɛ bunɔɲa bwee.

¹³ Tɛ shiin te nyɛɛ kiyɔɔni li Nyɔ-ɔ kii fini le mfi wu te tɛ bɛ bɛ jɛ yi Nyɔ li be-en, nɛ te fi jɛ yilu si yi gbɛɲgi yi nuun le ɛ jɛ yi Nyɔ yi nuun yɛ si jɛ yi wi ke. Ɛ yi yi se nindi li yi yinɛ, bɛɲ bɛ nuun bɛniin bɛ kimbeenche-ɛ.

¹⁴ Nɛ kii baa bɛɲwaanɛɲ bɛsɛɲ le fieɛ fi tɛ keti bɛ bintaasɛ bi bɛniin bɛ kimbeenche-ɛ bi Nyɔ-ɔ bi tɛ biki Krai Jiso le kimbe ki Judiya fi tɛ ka te bɛ bɛɲ. Nɛ se tuu nɛ nɛɲ te bɛɲge li tsan yi bɛniin bɛnɛ bɛ kwɛɛɲ le nɛɛ si be tɛ nɛɲ te li tsan yi bɛniin bɛ bee bɛ nuun Bɛjuu.

¹⁵ Bɛjuu bani nuun bɛniin bɛ tɛ wo Taa Jiso. Ɛ nɛɛ be bɛ tɛ woyi bentomfɔɲ bɛ Nyɔ-ɔ. Ɛ be bɛ tɛ koon bɛ bee le be. Be feti le Nyɔ te woo bujɔɲ bɛ be ke. Be baanini te bɛniin bɛchu bu baaninɛ,

¹⁶ si be tɛ banɲi dze li bee li le te tee ke li bɛniin bɛ nuun yɛ Bɛjuu ke le be bo lu ke le. Be feti le mfi kwi

bibifi bi bee se yendi bi yeki. Shen yi Nyɔ yi fuuti se be ye kitun li bee deeni.

*Pɔɔ bechi kemi ngeen le tuu nen beniin
be kimbeenche-e be Tesalonya-a*

¹⁷ Benwaanen besen, si te tuu te gate, te gwenε baa nge te kemi geen le bee nuun te nen ben be lii mɔɔ nuun si fi mɛen fɛε ki nɔɔnε ke si te tuu te gate le ke. Te gate baa nuun be lii kwaa. Te mɛen ki gate ke be shen ke.

¹⁸ Te weki baa le te kaari te be le be-en. Mi wu Pɔɔ kibεε mi ngwenɔɔ li kinga-a li kinga-a, se nuun le, Satan se banɔɔ nεε bee.

¹⁹ Te kemi baa ngeen le kife fɛε fi te nuun te ni te bichi limfwe li fi-i, deen mɔɔ bujon busen, be kifo kisen ki te gii te ni te tsakisi yi lu limfwe li Taa wusen wu Jiso mfi wuu tuu wu kaari wu be tuu nuun la? E nεε ben ni?

²⁰ E ben be nuun bunɔɔa busen be kinεetine kisen.

3

¹ Bedεeni te te nen le fi yaa fɛε numu be ben nsin le, te cho ntaɔ le te she lejɔn Aten bee be mbiin,

² te se ton Timoti wu nwaani wusen wu tεε be nindi li Nyɔɔ li mfenjise nton wu dzeen wu kii Krai. Te te ton wu le be leeki ben li kimbeenche kise-en bujon, tuu tifi ben,

³ le kiin benge nwaani bani ni be be seεε wi wumu li be-en ke. Ben kibεε nε kii baa bujon le benge baa nuun fɛε fisen.

⁴ Ne kii baa le mfi wu te te nuun be ben, te te kɔɔ te tee ben mfi mɛen le te gii te ni te nɔngi benge. E nεε le si fi ka fɛε le, nε kii.

⁵ Ɛ fi fi tɛ fɛ se nɛn le fi yaa fieɛ, nse nton Timoti le nkɛɛ si kimbeenche kinɛ nuun, kife ntɛ nchendi le semuke wi wu ti monchi beniiɲ wɛ monchoɔ ben kitun wu fɛ nime chichu chi tɛ nin li be-en chi to chi yee.

*Timoti kaari be nton wu kii
kimbeenche ki beniiɲ be Tesalonya*

⁶ Se nuun le, dɛeni yaa ɛ Timoti be kitun le be-en wu kaari wu to lijɲ le bee li, wu tee nton wu dzeen wu kii shɛɲ yi nɛ gɛɛ li Krai li be si nɛ doonchi baa kinɲɲɲɛ le beniiɲ li. Wu tee tɛ si nɛ kiimi baa bee buɲɲ nɛ tuu nɛ ɲɲɲɛ le nɛ nɛn bee nɛɛ si tɛ kɛmi tɛ ɲɲɲɛ le tɛ nɛn ben le.

⁷ Kii fini, benwaanen besɛn, li ntonye be benge be tɛ kɛmi, shɛɲ dendi yɛɛ bee kii ben nge kii shɛɲ yi nɛ gɛɛ li Krai li.

⁸ Tɛ yinde baa dɛeni kife nɛ lemi baa nɛ tɛɛmi be Taa.

⁹ Bedɛeni, tɛ nyɛɛ baa kiyɔɔni li Nyɔ-ɔ nge kii ben. Tɛ nyɛɛ baa kiyɔɔni li Nyɔ-ɔ kii buɲɲ bu tɛ wuki limfwe li yi-i kii ben.

¹⁰ Tɛ lɛki baa li Nyɔ-ɔ mkpaan butuu be fɛnsaan laa lii yisɛn nuun yi tuu yi bike be yine tɛ se nyɛ ben fieɛ fi mɛɛn fi fuki li kimbeenche kinɛ-ɛ le.

¹¹ Tɛ lɛki baa li Nyɔ-ɔ yi nuun Nyɔ mɔɔ Baa wusɛn kibɛɛ be Taa wu tɛɛben wu Jiso le gwiye dze tɛ be le be-en.

¹² Tɛ lɛki baa li Nyɔ-ɔ le Taa fɛ le kinɲɲɲɛ kinɛ ko ki gɛɛn limfwe nɛ ni nɛ ɲɲɲɛ yi yine be beniiɲ bechu nɛɛ si tɛ ɲɲɲɛ ben le.

¹³ Tɛ lɛki baa li Nyɔ-ɔ le, le yi fɛ shɛɲ yine ni yi tɛɛmi, le ke nɛ ni nɛ nuun findzɔn nsɲ, nɛ wuuti li

Nyɔ Baa wusenɔ limfwe mfi wu Taa wu tɛɛbenɔ wu Jiso gii ni bɛɛ bɛ beniiɔ bechu bɛ nuunɔ bee.

4

Ntɛ wu Nyɔ kɔŋgisi

¹ Li mɛrisɛ-ɛ, bɛŋwaanɛŋ bɛsɛŋ tɛ lɛki baa bɛŋ tɛ sunɔgi bɔ si beniiɔ bɛ taashɛ li Taa Jiso-o, le si nɛ tɛ laanchɛ li bee li si nɛ kɛmi le nɛ ni nɛ tsiɔŋ si Nyɔ kɔŋgisi lɛ, ɛ nɛɛ lɛ si nɛ tsiɔŋ baa dɛɛni lɛ, nɛ feti yɛɛŋ nɛɛ lɛ nɛ giɔŋgi bu limfwe-e.

² Nɛ kii baa ntifi yi tɛ tɛ nyɛ li be-ɛŋ li bunɔa bu Taa Jiso-o.

³ Fiee fi Nyɔ kɔŋgisi nuunɔ le nɛ ni nɛ nuunɔ waanɔ. Kiiɔ nɛ ni nɛ lɛti bukwɛɛ kɛ.

⁴ Wi mumkpanɔ mumkpanɔ li be-ɛŋ kɛmi le ni kii ŋkɛmɛ yi yee lɛ dze yi wuuti-i tuu kɛmi ŋɔŋu.*

⁵ Kiiɔ yi yi wi ni yi yuusi, yi mwaki, si yi wi wu kitonɔ wu ti kii yɛ mɔɔ Nyɔ kɛ.

⁶ Kiiɔ wi ni fɛ bubieɛ kɛ, kɛ le fiibɛ bɛ ŋwaani li nsa wuni-i kɛ. Tɛ tɛ tee li be-ɛŋ tɛ chiinɛ mɛɛŋ lindɛɛri le Taa gii lɔŋ ŋɛ li beniiɔ bɛ feti bieɛ bini bichu.

⁷ Nɛ ni nɛ kii le Nyɔ tɛ mɛɛŋ ki teenɔ kɛ bee le tɛ ni tɛ tsiɔŋ ntɛ wu nuunɔ wu nyɛŋ kɛ. Tɛ teenɔ bee le tɛ ni tɛ tsiɔŋ nuunɔ ntɛ wu wuuti.

⁸ Fi se nuunɔ le, mɔɔ nuunɔ noo wu faanɔ ŋ'wowu ntifi yini le, kɛ mɛɛŋɔ ki faanɔ kɛ ŋ'wowu nuunɔ li wi wo-onɔ kɛ. Wu faanɔ ŋ'wowu nuunɔ li Nyɔ-ɔ yi nyɛɛ Fiana yee yi Waanɔ li be-ɛŋ.

⁹ Fiee fi kii kɔŋkɔŋgise ki nɛ kɛmi le nɛ kɛmɛ li bɛŋwaana bɛnɛ-ɛ bɛ kimbeenche-ɛ tɛ kɛmi yɛ le tɛ

* **4:4** Dɛɛŋ le, “Wi mumkpanɔ mumkpanɔ li bɛŋ kɛmi le ni kii ŋkɛmɛ kwesi lɛ dze yi wuuti, tuu kɛmi ŋɔŋu.”

tuu tɛ tsɛɛ kii fi li be-en kɛ. Fini nuunɔ fɛɛ fi Nyɔ tɛ saa yi tifi beɲ kibɛɛ, si nuunɔ nɛ ni nɛ kɔŋgisi yi yinɛ.

¹⁰ Bɛ chɛɛɲ, nɛ kɔŋgisi baa kitunɔ beɲwaana bɛnɛ bɛchu bɛ kimbe ki Masadonya. Se nuunɔ le beɲwaanɛɲ bɛsɛɲ, tɛ se tuu baa nɛɛ tɛ nyɛɛ beɲ ntifi le nɛ ni nɛ feti le nɛ giɲgi limfwe limfwe.

¹¹ Ngeɛɲ yinɛ yi nyɔɲa ni yi nuunɔ le nɛ ni nɛ tsiɲ ntse wu mbɛɛngii, nɛ tɛ lii kimfime fɛ bɛɛ bi beɲiɲ le kɛ. Nɛ nindi bɛ tsanɔ yinɛ tɛ tɛ saa tɛ tee beɲ.

¹² Bɛdɛɛni, beɲiɲ bɛ lɛkuunɔ gii be ni be nyɛɛ ŋgunɔ li be-en, nɛ tɛ tuu le nɛ ni nɛ bichi fɛɛ li wi-i kɛ.

Kii mfi wu Taa gii naa kaari bɛ

¹³ Beɲwaanɛɲ bɛsɛɲ, tɛ wɛki yɛ le nɛ ni nɛ nuunɔ li kijibɛ-ɛ si beɲiɲ bɛ kwiye kitunɔ kɛ. Tɛ wɛki baa le nɛ kɛɛ le kii nɛ nuunɔ nshiɲ nshiɲ si beɲiɲ bɛ bichi yɛ limfwe li fɛɛ fi shaanɔ fi nuunɔ lu-u kɛ.

¹⁴ Tɛ beɲ baa le Jiso tɛ kwi tuu kaari bo li kwe-e, ɛ nɛɛ le si Nyɔ gii naa yi kaari yi bɛ bɛ Jiso mɔɔ beɲiɲ bɛ tɛ kwiye ɛ be taasɛ bɛ wu.

¹⁵ Tɛ gii tɛ ni tɛ tiiti fini tɛ biki nuunɔ jɛ yi Taa, le beɛ tɛ shɛ lɛɲɲ tɛ gii tɛ ni tɛ mɛɛɲ we mfi wu Taa gii bɛ, nuunɔ tɛ tɛ too mbaanɔ li beɲiɲ bɛ tɛ saa be kwiye-ɛ kɛ.

¹⁶ Nɛ kɛɛ le Taa kibɛɛ gii naa dza liboo ni shiiti bɛɛ dzɛɲgi lɛwe ŋge bɛ jɛ yi tɛɛmi, kikoo ki bɛnchindaa bɛ Nyɔ ni ki dzɛɲgi tɛ, sɔɲ yi Nyɔ ni yi yeti. Beɲiɲ bɛ tɛ kwiye ɛ be taasɛ bɛ Krai se saa be bo.

¹⁷ Bɛdɛɛni, Nyɔ se chofi beɛ tɛ tɛ shɛ tɛ mɛɛɲ lu mɔɔ be, taasɛ li kiku-unɔ le tɛ gɛɛɲ tɛ bike bɛ Taa li kiboo li. Tɛɛbeɲ bɛ Taa se tɛ ni tɛ nuunɔ lu mfikwi.

¹⁸ Nεε λε, νε denisi yeηη shén yi wi bee wi be je yini.

5

Si wi nuuη ni tēηgi mbε wu Taa

¹ Benwaanenη besenη, kii mfi be jobε chi mbε wu Taa λε, be kemi ye le be tuu be tsee kii fini li be-en ke.

² Ben kibee νε kii baa bujōη le jobε chi mbε wu Taa λε gii chi nuuη si chi wi-ih butuu.

³ Fe beniinη gii be ni be tiiti le, “Mbēēηgii wε lu, fiee fi chenε lu ke,” ηγε se taa dza we li bee si ntunu ti bee λε kweēη wu nuuη be fwe-e λε, dze te nuuη lu yi letine ke.

⁴ Se nuuη le, benwaanenη besenη νε nuuη ye fine li kijibe-ε si jobε chilu nuuη chi taa chi dza chi taa chi be λε be-en si wih ke.

⁵ Ntiitō ni kife ben bechu baa beniinη be kin'wofu-u, mōō beniinη be fenshaanη. Te nuuη ye beniinη be butuu, ke be li kijibe-ε ke.

⁶ Bedēeni, kiinη te ni te liiti si beniinη bamu liiti ke. Te ni te nuuη we be bufii busenη fe buchu.

⁷ Beniinη be liiti, ti liiti nuuη butuu, se beniinη be piendi, ti piendi nuuη butuu.

⁸ Se nuuη le, si te nuuη fiseη beniinη be fenshaanη λε, te ni te nuuη be bufii busenη fe buchu. Te dzōō kimbeenche be kin̄k̄ōngise bi ni bi nuuη si bik̄ōō bi dzi-in̄ bi te lii te ban̄e ben̄k̄ondi besenη lu, te dzōō te kimbiche ki te bichi limfwe li kinsofu-u ni ki nuuη si kifo ki dziin̄ ki te beenη.

⁹ Te keε le Nyō tē mēēη ki tsaa ke bee le ke yi doonche nuuη shen̄ yee yi fuuti li bee li ke. Yi tē

tsaa le ke tɛ kɛmɛ nuuŋ kinsofu kɛti li Taa wusɛŋ wu Jiso Krai.

¹⁰ Jiso Krai nuuŋ wi wu tɛ kwi kii bee, le ke mɔɔ tɛ nuuŋ lu, mɔɔ tɛ kwiye, tɛ ni tɛ nuuŋ bɛ wu.

¹¹ Bɛdɛɛni, nɛ kaŋgisi shɛŋ yi wi bee wi, nɛ gwɛndi tɛ wi bee wi nɛɛ si nɛ feti lɛ.

Ntifi yi kimerisɛ bɛ n'yɛsɛ

¹² Bɛŋwaanɛŋ bɛsɛŋ, tɛ lɛki baa bɛŋ le nɛ ni nɛ guundi bɛniin bɛ nindi lɛ be-ɛŋ lɛnti be bichi lɛ be-ɛŋ li nsa wu Taa li, be tiifi tɛ bɛŋ.

¹³ Nɛ doonchi ŋɔŋɔ li bee bujɔŋ li kinƙɔŋgisɛ kii nime chi bee. Nɛ ni nɛ kɛmi tɛ ntse wu mbɛɛŋgii li yi yinɛ-ɛ.

¹⁴ Tɛ tuu baa tɛ lɛki bɛŋ bɛŋwaanɛŋ bɛsɛŋ le nɛ ni nɛ tiifi bɛniin bɛ nuuŋ yee, nɛ ni nɛ kaŋgisi tɛ shɛŋ yi bɛniin bɛ kɛmi jaan, nɛ ni nɛ fii tɛ bɛniin bɛ wɛɛ. Nɛ ni nɛ kɛndi shɛŋ bɛ bɛniin bɛchu.

¹⁵ Nɛŋ yɛɛŋ le kiin wi ni tusi bubieɛ bɛ bubieɛ kɛ. Nɛ ŋwɛnini mfikwi le nɛ ni nɛ feti nuuŋ bieɛ bi dzeɛŋ li yi yinɛ-ɛ mɔɔ li bɛniin bɛchu-u.

¹⁶ Nɛ nɛki yɛɛŋ mfikwi,

¹⁷ nɛ lɛki li Nyɔ-ɔ mfikwikwi,

¹⁸ nɛ nyɛɛ yɛɛŋ kiyɔɔni li Nyɔ-ɔ li fieɛ fichu fi kɛti-i. Fini nuuŋ fieɛ fi Nyɔ wɛki li be-ɛŋ bɛ nuuŋ li Krai Jiso-o.

¹⁹ Kiin nɛ ni shitini nime chi Fiana yi Waan lɛ kɛ.

²⁰ Kiin nɛ ni nɛ dzeti bɛntɔŋ bɛ Nyɔ-ɔ bɛ bɛniin laɲini li be-ɛŋ li kite-ɛ kɛ.

²¹ Nɛ tɛɛti bieɛ bichu, nɛ dzeti bi dzeɛŋ nɛ lemi li bi-i,

²² nɛ busi yɛɛŋ tsan li bieɛ bibifi-i bichu.

²³ Nlɛkɔɔ le Nyɔ kibɛɛ yi nuun Nyɔ yi mbɛɛngii fɛ nɛ ni nɛ gbɛngi nɛ wuuti li bieɛ bichu-u. Yi fɛ fiana yinɛ bɛ shɛn yinɛ mɔɔ yi yinɛ yi ni yi nuun findzɔn nsin li mfi wu Taa wu tɛɛben wu Jiso Krai gii bɛ.

²⁴ Yi yi Nyɔ yi tɛ teen ben yi ti gbɛngi yi lemi nɛɛ li jɛ ye-e, yi se gii yi fɛ lɛ.

²⁵ Bɛɲwaanɛn bɛɛn, nɛ lɛki li Nyɔ-ɔ li bee li.

²⁶ Nɛ yɛsi bɛɲwaanɛn bɛɛn bɛchu nɛ tachɛ be ntachɛ wu bɛniin bɛ Nyɔ-ɔ.

²⁷ Ntiitɔɔ nchinsini li be-en li bunga bu Taa lɛ le nɛ teen kinwaati kini li bɛɲwaanɛn bɛɛn bɛchu be woo.

²⁸ Kinƙɔngise ki Taa Jiso Krai ni ki nuun bɛ ben. Fi nuun lɛ.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2